



Program imunisasi Tahun 8 – maklumat untuk ibu bapa

Kenapa imunisasi penting?

Imunisasi melindungi manusia daripada penyakit berjangkit yang membawa risiko tinggi untuk penyakit tenat, kekurangan upaya dan maut. Vaksin akan mencetuskan tindak balas imun yang melindungi manusia jika mereka terdedah kepada penyakit daripada alam persekeliling.

Semua vaksin yang kini terdapat di Australia harus melalui ujian keselamatan yang tegas sebelum diluluskan. Vaksin akan terus dipantau untuk keselamatan dan kemujaraban. Bacaan yang selanjutnya untuk keselamatan serta kesan-kesan sampingan yang lazim dan yang jarang berlaku boleh didapati di: healthywa.wa.gov.au/immunisation

Program imunisasi Tahun 8

Di Australia, pelajar-pelajar tahun 8 ditawarkan vaksin percuma melalui Program Imunisasi Nasional untuk memberi perlindungan daripada:

- Difteria
- Tetanus
- Batuk kokol
- Cacar air
- Virus papilloma manusia

Anda boleh memperolehi lebih maklumat tentang penyakit-penyakit ini serta vaksin-vaksin yang digunakan untuk melindungi diri dari penyakit-penyakit tersebut:

healthywa.wa.gov.au/immunisation

Jadual

WA Health dan pasukan-pasukan jururawat komuniti tempatan menjalankan pemvaksinan setiap penggal di sekolah anak anda berdasarkan jadual berikut:

Lawatan pertama: Virus papiloma manusia
Cacar air

Lawatan kedua: Virus papiloma manusia
Difteria – tetanus- batuk kokol

Lawatan ketiga: Virus papiloma manusia

Apa yang perlu dilakukan oleh ibu bapa

Pek kebenaran imunisasi telah dibekalkan kepada anda menerusi program tahun 8 sekolah anak anda. Pek tersebut mengandungi maklumat dan borang kebenaran.

Sebagai ibu bapa atau penjaga, anda dikehendaki:

- Baca borang kebenaran yang terkandung dalam pek itu dengan teliti, dan hubungi juru rawat sekolah jika anda memerlukan maklumat tambahan.
- Tandakan kotak hijau atau merah, untuk menyatakan vaksin-vaksin yang anda benarkan, dan mana-mana yang anda tidak benarkan, dan turunkan tanda tangan anda dalam ruang yang disediakan.
- Berikan maklumat dalam borang kebenaran tentang masalah medikal yang mungkin mendatangkan kesan kepada tindak balas anak anda terhadap pemvaksinan.
- Pulangkan borang yang lengkap diisi kepada sekolah, **walaupun anda menolak pemvaksinan.**

Anda mungkin dihubungi oleh jururawat jika mereka memerlukan maklumat yang selanjutnya.

Hanya pelajar-pelajar yang memiliki borang yang telah ditanda tangani dan lengkap diisi akan divaksinasi.

Hari pemvaksinan akan diumumkan dalam berita mingguan sekolah anda. Jika anak anda tidak menerima pemvaksinan pada hari tersebut, anda akan diberitahu, dan pilihan pemvaksinan yang lain akan ditawarkan.

Sebelum anak anda divaksin

Penyakit lazim yang tidak tenat, misalnya selsema diiringi demam panas yang rendah tahapnya, tidak harus melengahkan pemvaksin. Namun dalam beberapa kes, ianya disarankan bahawa pemvaksin ditahan atau dilengahkan disebabkan keadaan medikal yang sedia ada. Beritahu jururawat imunisasi atau sekolah jika anak anda:

- Mengalami tindak balas yang tenat terhadap pemvaksin yang lampau
- Memiliki sejarah alah yang tenat di mana pemvaksin tidak digalakkan
- Telah diberikan vaksin yang “hidup” dalam jangka masa sebulan yang lalu (misalnya tuberkulosis, campak, penyakit kuning)
- Mendapat suntikan imunoglobulin atau pemindahan darah sepenuhnya dalam jangka masa tiga bulan yang lalu
- Menghidap penyakit yang merendahkan imuniti (leukemia, kanser, HIV/AIDS) atau menerima rawatan yang merendahkan imuniti (misalnya ubat steroid seperti hydrocortisone atau prednisolone, radioterapi dan terapi kimia)
- Tinggal bersama seseorang yang menghidap penyakit yang merendahkan imuniti atau menerima rawatan yang merendahkan imuniti
- Sakit pada masa pemvaksin

Penjagaan selepas pemvaksin

Tempat suntikan mungkin merah dan bengkak – kenakan kain yang sejuk dan lembap.

Mungkin terdapat sedikit kesakitan, demam panas, sakit kepala atau kepenatan. Untuk sakit kepala dan sakit, berikan parasetamol seperti yang diarahkan pada label. Jika demam berterusan, sila jumpa doktor.

Lawati laman healthywa.wa.gov.au/immunisation untuk maklumat lanjut tentang kesan-kesan sampingan lazim dan jarang berlaku pada vaksin-vaksin.

Dapatkan nasihat medikal dengan serta-merta jika mengalami tindak balas yang tenat atau tidak dijangka.

Semua pembekal imunisasi di WA dikehendaki dari segi undang-undang untuk melaporkan tindak balas tenat berikutan imunisasi Ibu bapa boleh juga melaporkan sebarang kekhawatiran tentang tindak balas serius terhadap pemvaksin sama ada dalam talian di wavvs.health.wa.gov.au, dengan menelefon Central Immunisation Clinic di 9321 1312.

Rekod pemvaksin

Berikutan pemvaksin, para pelajar akan menerima rekod vaksin-vaksin yang telah mereka terima.

Semua vaksin yang diberikan menerusi program sekolah direkodkan dalam databes berasaskan sekolah di WA Health.

Tambahan pula, pemvaksin HPV (virus papiloma manusia) direkodkan dalam Daftar Nasional PHV: hpvregister.org.au

Hubungan

Klinik Pusat Imunisasi Central Immunisation Clinic

Telefon: 9321 1312 8.30 pagi – 4.30 petang Isnin – Jumaat

Doktor tempatan anda

Pusat kesihatan komuniti tempatan, hospital atau unit kesihatan awam.

healthywa.wa.gov.au/publichealthunits

healthdirect Australia

Telefon: 1800 022 222

Maklumat selanjutnya

Jabatan Kesihatan

healthywa.wa.gov.au/immunisation

Program Mengimunitasikan Australia

1800 671 811 atau immunise.health.gov.au

hpv.health.gov.au/for-parents



Dokumen ini boleh dihasilkan dalam format-format yang alternatif jika diminta untuk seseorang yang kurang upaya.

Dikeluarkan oleh Bahagian Kesihatan Umum
© Jabatan Kesihatan 2015

Hak cipta bahan ini dipegang oleh Negeri Western Australia kecuali dinyatakan sebaliknya. Melainkan sebarang pertukaran yang adil untuk tujuan pengajian peribadi, kritikan atau ulasan, seperti yang dibenarkan di bawah peruntukan *Akta Hak cipta 1968*, tiada bahagian yang boleh dicetak semula untuk apa-apa tujuan tanpa kebenaran bertulis daripada Negeri Western Australia.